

CULTURACTIVA SCG
presenta a:

SALETA FERNÁNDEZ en:

pan con chocolate

Dirixido por Fran Rei

de María Victoria Moreno



Pan con chocolate

PRESENTACIÓN

Como xa é costume na produtora e distribuidora Culturactiva SCG, de cara a esta nova tempada presentamos unha montaxe a redor da figura protagonista do Día das Letras Galegas.

Pan con Chocolate é un espectáculo dirixido por Fran Rei baseado principalmente na obra homónima de María Victoria Moreno, pero que tamén recolle textos doutras obras para público infantil da escritora, narradora, tradutora, ensaísta e mestra galega nada en Cáceres.

A actriz Saleta Fernández, protagonista de outras montaxes de Culturactiva SCG, como *Supergalácticos* ou *O Valo*, convértese en Eva, a rapaza protagonista desta historia, de alta carga social, na que se fala da amizade verdadeira por encima de todas as dificultades. E polo medio, outras tres maravillosas aventuras máis xurdidas do maxín de M^a Victoria Moreno. Catro contos que, aínda que escritos para rapaces e rapazas, na práctica acaban sendo historias para todos os públicos. Catro historias que amosan as cousas tal e como son, unha realidade que moitas veces non queremos ver, sen filtros, a través da mirada sincera e inxenua dunha nena.

FICHA TÉCNICA

Elenco: Saleta Fernández

Dirección: Fran Re8i

Autora: María Victoria Moreno

Xénero: narración oral

Clasificación: público infantil

Duración: 50 minutos





Saleta Fernández

Saleta Fernández é unha actriz cunha ampla traxectoria no teatro amator que, pouco a pouco, está a se abrir camiño no círculo profesional.

Formada principalmente e durante máis de dez anos con Fran Rei, dentro da Escola de Teatro da Asociación Artística de Cuntis, tamén participou en diversos obradoiros e cursos monográficos de técnicas teatrais tales como improvisación, clown, interpretación dramática ou movemento escénico da man de Iván Prado, Antón Valén, Jesús Jara, Míriam Villalobos ou Anabel Gago, entre outros/as.

A súa primeira incursión no círculo teatral profesional galego chegou en 2011, ao abeiro da compañía Teatro do Astracán e da súa primeira montaxe, *Ladrón e Familia*, dirixida por Evaristo Calvo. Posteriormente formou a súa propia compañía - Código Morsa - xunto a Alberto Torres para dar saída ás súas inquedanzas teatrais, estreando en 2014 o seu primeiro espectáculo, *Supergalácticos*, dirixido por Fran Rei. Igualmente, foi a presentadora das galas das Irmandades da Fala, que xiraron por Galicia en 2016, acompañada de artistas tan recoñecidos como Caxade, Mago Teto ou Luis Iglesia. Na súa última produción, *O Valo de Pallasos en Rebeldía*, Saleta Fernández consolídase como unha actriz de presente e de prometedor futuro.



Fran Rei

(DIRECTOR)

Fran Rei é actor cómico, director e guionista.

Cofundador, pallaso en activo e coordinador da compañía oficial do Festival Internacional de Clown de Galicia (Festiclown) Os Sete Magníficos máis Un e da productora-compañía Culturactiva SCG, coas que ten participado en preto de 20 espectáculos desde o ano 2001. Igualmente, ten traballado noutras compañías de teatro galegas, como Bagunça Teatro, Producións Desaqueouloutradas, Acontrabutaca e Pallasos en Rebeldía.

Na súa formación escénica destacan numerosos cursos de teatro, clown e bufón con algúns dos mellores mestres do panorama internacional, como Good Idea Company, Carlo Colombaioni, Leo Bassi, Eric de Bont, Iván Prado ou Antón Valén.

Como director teatral, é responsable dos espectáculos *Supergalácticos* (Código Morsa), *Volta á Maxia* (Dani García), *Ritmo de Refugallo* (Trío Refugallo) e *Concerto Singular* (Píscore), ademais do espectáculo cómico - musical *Desconcerto*, que realizou con diversas bandas de música.

Igualmente, é monitor de dramatización, teatro e clown e dirixe varias escolas de formación teatral de carácter amador, entre as que destacan a Aula de Teatro Municipal de Teo ou os grupos de teatro da Asociación Escola Artística de Cuntis. Especialista en clown, desenvolve regularmente obradoiros de iniciación e perfeccionamento desta técnica.

Nos últimos anos está a traballar regularmente no sector audiovisual galego, formando parella cómica con Pedro Brandariz no programa *Luar* (TVG) desde o ano 2012.

Paralelamente ao seu traballo profesional, é membro fundador da organización galega de cooperación internacional a través das artes Pallasos en Rebeldía e, con esta entidade, ten participado en diversas caravanas de pallasos por comunidades indíxenas de Chiapas (México), así como en varias campañas de difusión e concienciación en centros de ensino galegos.





Culturactiva SCG

Culturactiva SCG representa, tras unha dilatada traxectoria, un claro referente en Galicia no sector da xestión cultural. Consolidada xa como unha das grandes distribuidoras do país, o seu ámbito profesional abrangue os campos da venda teatral e musical, a organización de eventos, a xestión integral de programacións e a dinamización cultural, tanto no ámbito creativo como formativo.

Deste xeito, Culturactiva converteuse en Galicia nun motor para os sectores teatral e musical, tanto a través de grandes festivais e plataformas como son o *Festiclown*, *Galeuzca*, *Olladas do Planeta* ou a *Feira Ecolóxica*, como do seu fundamental traballo na distribución e produción escénica. Co paso do tempo e avalada pola súa experiencia, Culturactiva ampliou o seu ámbito de actuación máis aló das nosas fronteiras, estendendo o seu labor ao resto do estado e a nivel global.

Culturactiva é a entidade na que confían a súa distribución en Galicia a artistas internacionais do nivel de Leo Bassi, Jango Edwards ou compañías como Yllana e intérpretes galegos de gran proxección como Peter Punk, Sergio Pazos ou o Mago Teo. Como distribuidora musical, Culturactiva traballa con formacións musicais do país de gran prestixio, como son Guadi Galego, Talabarte ou, entre outras moitas, Vaamonde, Lamas & Romero.

Ademais, Culturactiva leva máis dunha década traballando na produción de espectáculos e montaxes teatrais, ámbito no que destaca con diversas obras. Deste xeito, impulsa agora *Pan con chocolate*!

CONTRATACIÓN:

981 582 836

info@culturactiva.org



www.culturactiva.org